

Fixa informativu

Tomada di Pósi di Prizidenti di Kámara Michelle Wu
Segunda-fera, dia 5 di janeru di 2026

Ditalhis di Diskursu

Prizidenti di Kámara Wu rifleti sobri rializasons di se priméru mandatu:

- Violénsia armadu atinji níveis más baxu di sénpri.
- Kordena un rispósta na sidadi interu pa kaba permanentimenti ku akanpamentus na ária di Mass y Cass.
- Kria kazas más ikunómikamenti asesível nun jerason, lansa priméru prusésu di ri-zoniamentu na sidadi interu, riduzi prazu di aprovason pa konstruson di nóvus kaza en 50%, kria nóvus fundu pa finansia akizisons y konpensa kustus di konstruson, y lansa nóvus prugrama pa djuda más txeu família di Boston kunpra kaza pa priméru bês.
- Akresenta vagas pa ofereze 5.000 vaga di altu kualidadi, di grasa pa pré-skolar, y alarga ekosistéma di kuidadus infantil di Boston en serka di 2.000 vaga.
- Inxina más di 20.000 kriansa monta bisikléta y nada.
- Alarga asésu a disportu juvenil na sidadi interu.
- Muzeus y instituisons kultural bira di grasa pa tudu kriansa di Boston y ses família.
- Faze invistimentus jerasional na Skólas Públiku di Boston (*Boston Public Schools*)—ku fóku na asésu a kuríkulu di kualidadi, spetativas altu y rigor akadémiku—ultrapasandu 28 otu distritu au longu di priméru mandatu.
- Aumenta taxas di konkluzon di liseu y frikuénsia.
- Distritu sta enkaminhadu pa ofereze aulas universitáriu antispadu pa tudu alunu di liseu apartir di outonu di 2028.
- Popa más di 230 milion di dóla na fatura di inerja pa moradoris y stabelisimentus kumersial.
- Riduzi taxa di dizokupason di lójas (kumérsiu) na metadi, konparadu ku dos anu atrás.
- Três róta di otokaru bira di grasa.
- Ri-pavimenta 102 milha di strada, konsertu di paseius bira más rápidu, y konstrui más milha di infrastruturas di siklismu prutejedu di ki nunka.

Djobendu pa futuro, Prizidenti di Kámara Wu divulga se prioridadi pa prósimus kuartu anu:

Prioridadi di Prizidenti di Kámara Wu na segundu mandatu é transforma Skólas Públiku di Boston (BPS) na midjor distritu di skóla públiku di país, pa BPS ser priméru skodja pa tudu família di Boston. El splika ma kel-li significa ixsilénsia operacional, rigor akadémiku y spetativas altu na tudu sala di aula. Prizidenti di Kámara Wu ta ben kontinua ta toma disizons difísil y ta faze mudansas substansial pa ofereze ensinu y aprendizajen di altu kualidadi pa tudu alunu, pértu di kaza. Pa konstrui midjor distritu, Kámara Munisipal ta ben kontinua ta ri-dimensiona distritu, ta midjora transpórti y ta garanti ma na tudu zóna, alunu ten asésu a un idukason di altu kualidadi, pértu di kaza. Prizidenti di Kámara anunsia ma Kámara Munisipal ta ben reve prusésu di atribuison di skólas. Prizidenti di Kámara Wu anunsia tanbe ma Distritu ta ben ofereze programason di kualidadi antis y dipos di aula, na tudu skóla di BPS, apartir di inísiu di anu letivu 2027.

Fixa informativu

Tomada di Pósi di Prizidenti di Kámara Michelle Wu
Segunda-fera, dia 5 di janeru di 2026

Ditalhis di Prugrama

Guarda di Ónra éra konpostu pa menbrus di Pulisia di Boston, Bonberu di Boston y Sirvisus di Imerjénsia Médiku (EMS) di Boston.

Kuatu alunu di Skólas Públiku di Boston lidera Juramentu di Bandera:

- Jack Shapiro, Boston Latin Academy - Kapiton Sénior (Futibol merkanu)
- Michael Ekweanya, New Mission High School - Kapiton Sénior (Basketibol)
- Emily Ramirez, Madison Park Technical Vocational High School - Sénior (Voleibol)
- Heinrich Saint Paulin, Boston International Newcomers Academy - Sénior (Futibol)

Baird Lashley, Tékniku di Imerjénsia Médiku, di Sirvisus di Imerjénsia Médiku di Boston, kanta Inu Nasional.

Kléru faze párti di orason inter-rilijiozu:

- Padri John Unni, Saint Cecilia Parish (Parókia di Santa Sisília)
- Imam Abdulqadir Farah, Islamic Society of Boston Cultural Center (Séntru Kultural di Sosiedadi Islámiku di Boston)
- Rabina Elaine Zecher, Temple Israel (Tenplu Israel)
- Pastora Mirna Concepción de Rodriguez, Nueva Vida United Methodist Church (Igreja Metodista Unidu Nueva Vida)
- Bispu William E. Dickerson II, Greater Love Tabernacle (Tabernákulu di Amor Maior)

Puéta Laureadu di Boston, Emmanuel Oppon-Yeboah, aprizenta un óbra orijinal ki el skrebe pa tomada di pósi.

[Link pa vídiu ki faze párti di prugrama.](#)

Bíblia di Bibliotéka Públiku di Boston uzadu na pósi di Prizidenti di Kámara Wu:

Bíblia Sagradu, ku Antigu y Nóvu Testamentu, inprimidu na Filadélfia, pa Robert Aitken, na 1781-182

- Es Bíblia foi aprovalu pa Kongrésu Kontinental na siténbru di 1782.
- Priméru edison konplétu di Bíblia (Antigu y Nóvu Testamentu) inprimidu na inglês na Statu Unidu.
- Priméru – y úniku – edison di Bíblia aprovalu pa Kongrésu.
- Inprimidu un anus antes di pás entri Grã-Bretanha y risen-kriadu Statu Unidu foi firmadu formalmenti. Inprisoris britániku dja tinha txeu ténpu ku monopóliu di inprison di Bíblías, má tudu inportason di Bíblías britániku foi interonpidu pa géra.
- Adoson d'es prujétu, ki foi rializadu pa un gráfika merkanu, foi odjadu tantu komu un diklarason patriótiku komu tanbe un sínbulu di kultura floresenti di Statu Unidu.

Fixa informativu

Tomada di Pósi di Prizidenti di Kámara Michelle Wu

Segunda-fera, dia 5 di janeru di 2026

Es Bíblia na Bibliotéka Públiku di Boston.

- Adkiridu na maiu di 1941 na leilon di livrus di Alfred Edward Newton, ki fazedu dipos di se mórti.
- Bibliotekárius di BPL piskiza-l, kunpra-l, konserva-l, kataloga-l y disponibiliza-l pa jerasons di vizitantis, y es sa ta ben dijitaliza-l en brévi.
- Apezar di ser mutu raru y valiozu, BPL ta disponibiliza es livru di grasa pa tudu algen ki kre utiliza-l.
- Prizidenti di Kámara Wu faze se priméru juramentu di pósi ku es Bíblia, na nuvémbro di 2021.

Sarah G. Kim, Juíza Asosiada di Tribunal Superior di Massachusetts, da Prizidenti di Kámara Wu pósi.

Prizidenti di Kámara Wu da Konseihu Munisipal di Boston pósi.

Públiku é konpostu pa serka di 2.000 pesoa, inkluidu líders kumunitáriu, kultural y rilijiozu, y tanbe líders di setoris di saúdi, negósiu, ensinu superior y arti.

Boston Symphony Hall foi priméru sala di konsertu na mundu ki foi prujetadu pa arkitétus konseituadu y un prufesor di Fízika di Harvard, ki inventa un fórmula ki ta utilizadu pa da es spasu un témpu di reverberason perfeitu: 1.9 segundu.